



MODUL

PDPR

BAHASA MELAYU

TAHUN 6

UNIT 15 PERPADUAN

MEMAJUKAN NEGARA

NAMA : _____

KELAS : _____

 SUMBER
PENDIDIKAN.COM

UNIT 15 PERPADUAN MEMAJUKAN NEGARA

Rahsia Kejayaan Negara

(isi dialog di bawah)

Encik Laurent warganegara Perancis. Beliau berkunjung ke Malaysia kerana mahu meninjau peluang perniagaan. Beliau merupakan sahabat baik Encik Zakaria, ayah Amar. Semasa berada di Malaysia, beliau dipelawa oleh Encik Zakaria ke rumahnya. Amar berkesempatan berbual dengan Encik Laurent.



Amar : Selamat datang ke Malaysia. Encik berasal dari mana?

Encik Laurent : _____

Amar : Apakah tujuan encik datang ke Malaysia?

Encik Laurent : _____

Amar : Mengapakah encik bercadang untuk berniaga di Malaysia?

Encik Laurent : _____

Amar : Negara ini maju kerana rakyat Malaysia hidup bersatu padu.
Kami mengamalkan sifat yang terpuji.

Encik Laurent : Apakah sifat yang terpuji tersebut ?

Amar : _____

Encik Laurent : Bagaimanakah sifat yang terpuji dapat dipupuk dalam diri rakyat
Malaysia?

Amar : _____

Perpaduan Menjanakan Pelaburan

Encik Laurent telah dibawa oleh Encik Zakaria menyaksikan perarakan Citrawarna Malaysia. Perarakan yang gilang-gemilang itu diadakan di Dataran Merdeka, Kuala Lumpur.

Perarakan tersebut telah berjaya menarik kunjungan ribuan penonton. Mereka terdiri daripada rakyat Malaysia yang berbilang bangsa serta pelancong asing.

Menerusi acara tersebut, Encik Laurent dapat melihat keutuhan perpaduan rakyat Malaysia. Semangat kerjasama dan sikap toleransi begitu terserlah dalam diri para peserta. Tanpa mengira perbezaan budaya dan agama, mereka telah bersepakat untuk menjayakan acara tersebut sehingga selesai. Mereka bersatu hati dan berganding bahu untuk menjayakan perarakan tersebut.

Sepanjang berada di Malaysia, Encik Laurent berasa sungguh gembira. Penduduk Malaysia ramah-tamah dan berbudi bahasa. Tidak timbul sedikit pun rasa bimbang dalam hatinya kerana negara Malaysia aman sejahtera.

Encik Laurent juga berasa amat kagum. Perpaduan kaum yang utuh mewujudkan suasana harmoni. Keharmonian amat penting dalam usaha memajukan negara. Bagi golongan pelabur sepertinya, beliau akan sentiasa berhati-hati untuk membuat pelaburan. Beliau perlu mengambil kira faktor keamanan sesebuah negara sebelum membuat keputusan.

Jika kamu Encik Laurent, mahukah kamu melabur di Malaysia? Berikan alasan.

Nikmat Perpaduan

(mengedit dan memurnikan teks di bawah)

Amar bin Zakaria,
No. 14, Jalan Seroja,
Taman Kencana,
09100 Kuala Ketil,
Kedah.

□□ Julai 20□□.

Buat tatapan sahabatku, Chong Seng di Segamat Johor semoga sihat sejahtera. Saya di sini sahaja biasa-biasa.

Saudara

Bagaimanakah keadaan saudara di sana? Masih sibukkah lagi dengan urusan dan tugas sekolah. Biar apa pun yang sedang saudara lakukan, saya doa agar semuanya berjalan dengan lancar.

Dalam surat saudara yang lalu, saudara ada bercerita tentang kedai basikal ayah saudara. Kedai itu maju kerana mendapat sambutan dari pelanggan yang berbilang bangsa.

Syukurlah, Chong Seng. Itulah nikmat perpaduan. Dengan adanya perpaduan, negara kita aman sejahtera. Rakyat dapat bekerja dan mencari rezki dengan selesa. Sebagai hasilnya, taraf ekonomi rakyat dapat dinaikkan. Negara pula menjadi semakin maju.

Baru-baru ini, seorang kenalan ayah saya dari Peranchis ada berkunjung ke negara kita. Beliau memuji rakyat Malaysia kerana mengutamakan perpaduan. Beliau telah mengambil keputusan untuk membuka perniagaan di negara kita. Pada pandangannya, negara kita istimewa cukup.


Hampir saya terlupa pula. Pada minggu hadapan saya akan ke Segamat untuk menghadiri majlis perkahwinan bapa saudara saya di sana. Kalau ada kesempatan, saya mahu mengunjungi ke rumah kamu. Bolehlah kita bersua muka nanti.

Cukuplah dulu coretan saya pada kali. Kalau ada lapang, berikan berita kepada saya. Bak kata orang, "hilang di mata, di hati jangan". Sehingga kita bertemu lagi, sambutlah salam mesra daripada saya untuk saudara sekeluarga.

Sekian, terima kasih.

Sahabatmu,
Amar





Sehati memburu impian
(menulis Kembali cerita)



Pada minggu lalu, Izuni sekeluarga berkunjung ke Resort Seri Muhibah. Resort itu terletak di satu kawasan hutan rekreasi.

Izuni pergi ke sana kerana mengikut ayahnya menghadiri program “Sehati Memburu Impian” yang dianjurkan oleh syarikat tempat ayah Izuni bekerja.

Ayah Izuni serta semua kakitangan syarikat hadir dalam program tersebut. Kakitangan syarikat terdiri daripada pelbagai bangsa.

Pihak resort telah menyediakan atur cara yang menarik. _____



Setelah Izuni sekeluarga tiba di Resort Seri Muhibah, mereka disambut oleh Encik Hong. Encik Hong ialah _____

Bina 5 ayat berdasarkan gambar di bawah



1. _____
2. _____
3. _____
4. _____
5. _____

B) Baca dan fahami petikan, kemudian jawab soalan pemahaman.



Tan Sri Aminudin bin Baki merupakan tokoh yang sangat berjasa kepada negara. Sumbangan beliau dalam bidang pendidikan negara amat besar. Sehubungan dengan itu, beliau telah digelar sebagai Bapa Pelajaran Melayu Moden.

Beliau dilahirkan di Chemor, Perak, pada 26 Januari 1926. Beliau mendapat pendidikan awal di Sekolah Melayu Chemor, Perak. Pada tahun 1936, beliau meneruskan pengajian di Sekolah Menengah Anderson, Ipoh. Dengan keputusan yang cemerlang dalam Peperiksaan Sijil Persekolahan, beliau telah melanjutkan pelajaran ke Universiti Malaya Singapura dalam jurusan Sejarah pada tahun 1949.

Semasa bergelar mahasiswa universiti, beliau aktif berpersatuan. Beliau bersama-sama dengan beberapa orang anak muda Melayu telah menubuhkan Gabungan Pelajar-pelajar Melayu Semenanjung (GPMS). GPMS ditubuhkan untuk menjaga hak serta menjamin keperluan pendidikan anak Melayu pada ketika itu. Beliau yakin bahawa pendidikan yang baik sahaja dapat memajukan bangsa dan negara.

Setelah menamatkan pengajian, beliau telah menjadi tenaga pengajar di Maktab Perguruan Sultan Idris (kini Universiti Pendidikan Sultan Idris). Di sinilah beliau telah mengemukakan idea yang bernas bagi meningkatkan mutu sistem pendidikan. Beliau memperkenalkan kaedah pengajaran moden dan yang lebih sesuai kepada para pelajar.

Hasil kerja beliau dalam bidang pendidikan amat cemerlang. Oleh sebab itu, beliau telah dilantik untuk menyandang pelbagai jawatan penting dalam kerajaan. Antaranya termasuklah Ketua Penolong Setiausaha di Kementerian Pelajaran, Ketua Pegawai Pelajaran Negeri Sembilan dan Ketua Pegawai Pelajaran Negeri Selangor. Pada tahun 1961, beliau telah dilantik sebagai Ketua Penasihat Pelajaran Pertama negara.

1. Senaraikan sumbangan Tan Sri Aminudin bin Baki dalam bidang pendidikan


2. Jelaskan latar belakang pendidikan beliau

3. Pendidikan yang baik sahaja dapat memajukan bangsa dan negara.”
Huraikan pernyataan tersebut.

4. Wajarkah jasa beliau dikenang dan dihargai? Berikan alasan.

5. Buat rumusan tentang kejayaan Tan Sri Aminudin bin Baki.

Saya anak Malaysia
(Tuliskan karangan berdasarkan bahan rangsangan)



Jawab soalan di bawah



1. Senaraikan enam kata ganda yang terdapat dalam gambar.

2. Senaraikan enam kata majmuk yang terdapat dalam gambar.

3. Buat ulasan tentang gambar tersebut. Gunakan kata ganda dan kata majmuk yang betul.

4. Apakah sikap yang ditunjukkan oleh para peserta aktiviti gotong-royong?

5. Bagaimanakah aktiviti gotong-royong dapat memupuk perpaduan kaum? Huraikan.

6. Pada pendapat kamu, mengapakah amalan kunjung-mengunjung semasa musim perayaan perlu digalakkan? Jelaskan.

7. Tulis perenggan tentang kebaikan memupuk perpaduan kaum dengan menggunakan kata ganda, kata majmuk, kata hubung dan kata adverba yang betul.

8. Nyatakan bukti yang menunjukkan bahawa sesebuah negara itu maju.

9. Apakah faktor penting yang mempengaruhi kemajuan sesebuah negara? Terangkan.

10. Cipta satu slogan tentang perpaduan kaum di negara kita.
